

## **Ang Dalan Ngadto Sa Kahupnganan sa Pagkabanhaw**

*"Ania karon, isulti ko kaninyo ang usa ka tinago. Dili kitang tanan mangamatay, apan kitang tanan mangausab, sa kalit, sa usa ka pagpamilok, inigtingog na sa katapusang trumpeta. Kay ang trumpeta pagapatunggon, ug ang mga patay pagabanhawon nga may mga lawas nga dili na madunot, ug kita mangausab. Kay kining lawas nga madunot ra pagailisan unyag dili na madunot, ug kining lawas nga mamatay ra pagailisan unyag dili na mamatay"(I Mga Taga Corinto 15: 51-53).*

Pamati kung unsa ang gisulti sa Propeta sa Dios bahin niini:  
**Matikdi. Sa imong dalan ngadto sa pagtubo sa kahupngana sa pagkabanhaw,** minandoan pinaagi sa Espiritu. [1]

Dili ba nimo makita nga kita ania sa katapusan nga panahon? Tapus na ang tanan. **Ang sunod nga butang mahimong usa ka pagwalis ... kanang gamay nga grupo nga ngakahiusa. Sa usa ka bulan kon siya mawala na, sa diha nga siya pagatigumon na.** Mao nga, kita ania na sa katapusan. Wala na'y paglaum nga nahibilin sa bisan asa. Dagan ngadto kang Kristo, mga katawhan! (*Mga Buhat 1: 1-11*). [2]

Ug unya, hinumdomi, **kung moadto kita sa dili pa Siya moabut, kita moadto ug mosulod sa Iyang Presensya, o pagabanhawon sa dili pa ang uban mausab.** *"Ug sa tingog sa trumpeta sa Dios. Ug unya ang mga nangamatay diha kang Cristo mouna sa pagpamangon; ug kita nga mga buhi pa nga mahabilin, pagasagawon ngadto sa mga panganud uban kanila sa pagsugat sa Ginoo diha sa kahanginan"(I Thess. 4: 13-17).* **Tan-awa ang paghan-ay sa pagkabanhaw.** Nakita ninyo, nahibal-an sa Dios nga kita nangandoy nga makita ang atong mga minahal. Ug kung makaabut kita didto aron sa pagsugat Kaniya pag-una, magtan-aw kita sa palibot aron makita kung naa ba ang inahan o amahan ug ang uban pa didto. Apan tan-awa kung

giunsa, ang Balaang Espiritu sa Iyang kinaadman? **Magtagbo kita pag-una sa usa'g usa, ug unya kung makaabut kita didto ug mag-awit sa "Kahibulongang Grasya,"** kana kung adunay panahon sa pagsimba . [3]

...hangtod kanang katapusan nga trumpeta patingogon. Ug mahibaloan nimo, pagasakgawon kita nga magkasugat sa Ginoo sa kahanginan. Hunahunaa kini. **Nawala nga katawhan, dili ka na nila makita gayud, apan mahiusa ka kauban sa nahabilin nga grupo.** "Ang mga buhi ug nagapabilin hangtod sa pag-abot sa Ginoo dili makapugong (o 'makababag,' ang pulong) niadtong mga nangatulong." Dili patay, dili, ang mga **Kristohanon dili mamatay.** Sila mipahulay sa usa ka diyutay nga pahulay lamang; mao kanang tanan. Oh, tan-awa. "Ug ang trompeta sa Dios pagapatunggon, ug ang mga patay diha kang Cristo mabanhaw pag-una, magpakita ngadto sa kadaghanan..." Ug **sa makausa mahitabo nga ikaw mobarug ug motan-aw, ug "Buyno, adunay usa ka igsoon..."** Ug nahibalo ka dili kini dugay. Sa pipila ka gutlo mausab kita sa usa ka kalit sa usa ka **pagpamilok,** ug duyog kanila nga mga nawala sa yuta, pagasakgawon aron **sa pagsugat sa Ginoo sa kahanginan (I Cor. 15: 51-55).** [4]

Ug sa dihang moingon sila nga maabli ang mga lubnganan, giunsa nga maablihan ang mga lubnganan kung ... Wala akoy panahon sa paghisgot niini, kung unsa ang buot ko nga ipasabut. Akong pagahisgutan kini... Aron lamang ipakita kaninyo ang kayano sa Dios. Ug kanang calcium, potash, ug ang tanang mga butang sa dihang... **Sa diha nga ang tanang mga butang nga diha kanimo mga materyales lamang nga usa ka kutsara...** Tinuod kana. Ug mao kana ang mobalik ngadto sa espiritu ug kinabuhi ... Ang **Dios mosulti lamang ug moabut ang pagsakgaw.** Dili kini mogawas didto, ug ang mga Anghel manaug ug palahon ang mga lubnganan ug ipagawas ang karaang patayng lawas. Unsa man kini? **Natawo kini gikan sa sala sa pagsugod, apan ang usa ka bag-o nga nahimo sa pagkasama niini (I Cor. 15: 35-50).** [5]

Pangutana kang Igsoong Branham: *Unsang dagway kita sa pagkabanhaw?*

**Maingon sa dihang kita namatay.** Sa tukma gayud, pagkabanhaw... Hunahunaa lamang kini. Kini nga libro nahulog sa salog, ug gikuha nako kini nga libro, usa ka lahi nga libro, ug gipulihan kini. Dili kana pagkabanhaw. **Ang pagkabanhaw mao ang "pagkuha sa mao ra nga usa nga nahulog."** Nabhaw ba si Jesus? Nailhan ba nila Siya? Nagtindog ba Siya kauban nila, mao ra nga Jesus? "Ug kining mao ra nga Jesus nga gikuha, mobalik sa usa ka paagi sama sa imong pagkakita nga Siya misaka" (*Mga*

*Buhat 1: 9-11*). **Ang pagkabanhaw sama ra sa imong pagkamatay; mao kana kung unsaon mo pagbangon.** Mamatay ka ingon usa ka tawo nga diha unod; mobangon ka ingon usa ka tawo diha sa unod. Mao gayud kana. Mao nga ang pagkabanhaw mao ra. <sup>[6]</sup>

Sa buntag sa Pasko sa Pagkabanhaw mibangon siya, ug giingon sa Mateo 27 **nga daghan sa mga lawas sa mga balaan nga natulog sa abog sa yuta, mibangon, ug nanggawas gikan sa lungsod, ug nagpakita sa kadaghanan kanila sa syudad** (*Mat. 27: 11*). 51-53). <sup>[7]</sup>

Ang butang ra nga kinahanglan buhaton, mao ang paglihok sa liyok sa panahon sa Dios hangtod sa panahon sa pag-abot sa Anak sa Dios. **Ug ang matag buhing binuhat nga namatay diha kang Cristo manggula pag-usab diha sa Iyang Presensya, nga mahinumdom Kaniya.** Oh, kung moabut ako sa katapusan sa akong dalan, gusto ko nga mamatay diha sa Iyang Presensya, mahinumdom Kaniya, nga Siya ang Pagkabanhaw ug Kinabuhi (*Juan 11: 25-26*). Siya mao kanang Usa.

Ug sa dihang makaabut ang iglesia ngadto niana nga dapit, **diin kanang Cristo nga nagkahulogan ug daku kaayo kanato nga giuhaw kita nga makaabut sa Iyang Presensya ug sa matag usa, usa kini nga naghatag sa Kinabuhi nga Kapanguhaan.** Wala'y yawa nga makaapas kanimo. Bisan ang kamatayon mismo napildi didto. Oh, unsa ka paglaum, unsa nga dapit! Magpahayahay sa atong kaugalingon. Ug sa pagbuhat sa ingon, ang paghinumdom kang Kristo ang Usa nga naghimo niini nga posible alang kanato. Siya ang Usa nga nagbuhat niining mga butang alang kanato; kinahanglan mahinumdom kita Kaniya. Kay hinumdumi, kaniadto kita mga langyaw ug walay Dios, mga Hentil, nakabig ngadto sa mga diosdios nga amang. Apan hinumdumi, si **Kristo namatay** dili alang sa Hudiyo, **apan alang sa matag linalang sa pagkahulog ni Adam,** si Kristo namatay (*Heb. 2: 8-10*). <sup>[8]</sup>

Gipakita sa Dios pinaagi kang Abraham, giunsa **gipakamatarung Niya** si Abraham, sa ika-12 nga kapitulo sa Genesis. Ug gikan dinhi hangtud sa, ika-16 nga kapitulo, sa unsa nga paagi gipamatud-an niya ang pakigsaad pinaagi sa **pagkabalaan.** Sa ika-17 nga kapitulo, gipasuso siya gikan sa Iyang dughan; **pagpasulod sa Balaang Espiritu. Ug unya gipamatud-an Niya, kon gipahimutang siya,** gikuha si Abraham ug giilisan ang iyang ngalan gikan kang Abram ngadto kang Abraham, gihatagan siya bahin sa Iyang Ngalan, Elohim, h-a-m. Unya atong nakaplagan, nga human niana, **nagpakita Siya kang Abraham** (*Gen. 18*).

Karon, sa iyang Kaliwat, tan-awa kung giunsa Niya pagtagad ang Kaliwat sa mao gihapon nga paagi (*Gal. 3: 7,29*). Ang Kaliwat ni Abraham moabut pinaagi sa **pagkamatarung, pagkabalaan, bautismo sa Espiritu Santo; pagpadayag sa Iyang Ngalan, nagpadayag kung kinsa Siya (kana nga pagpadayag ni Kinsa? Jesu-Cristo)**, bautismo sa Iyang Ngalan, ug uban pa nga ingon niana, kana nga pagpadayag, nga **nagbahin sa Iyang Ngalan diha sa Iyang iglesia**, gitawag sila pagawas. Unya unsay Iyang gibuhat? Nianang mao ra nga iglesia nga Iyang gitawag sa Iyang Ngalan, Ngalan ni Jesus, unsa ang Iyang gibuhat? Nagpakita Siya sa mao ra nga porma nga gibuhat niya kang Abraham, nga nakaila sa mga espiritu sa luyo Kaniya. Gibuhat ba Niya? Nagpakita sa mao ra nga Ngalan, sa mao ra nga butang, sa mao ra nga porma. Ania na gayud kita sa katapusan sa dalan.

Karon tan-awa kung unsa ang nahitabo. **Sa dihang gibuhat Niya kana, kana mao ang katapusang timaan nga Iyang gihatag sa iglesia sa wala pa ang pagbag-o miabut sa iglesia, kang Abraham ug Sara** (*Gen. 20*). Karon, sa dihang ang Manulonda nagsugilon sa tinago, ang babaye (ang Iglesia, nga nagrepresentar), dili gyud siya makatuo, mikatawa lang siya sa iyang kaugalingon. Ug ang Manulonda miingon, "Ngano nga siya mikatawa? Ngano nga naghunahuna siya sa sulod sa iyang kasingkasing? Ngano nga gisulti niya kini?" Karon tan-awa, **mao kini ang katapusang timaan sa wala pa nahitabo ang usa ka butang nilang Sara ug Abraham** (*Gen. 18: 9-15*).

Karon, nagwali ako dinhi usa ka higayon, ug gisultihan kamo nga gibalik sila sa Dios ngato sa usa ka batan-ong lalaki ug babaye. Aron pamatud-an kini, milugsong siya; mibiyahe sila ug milugsong sa Gerar, ug si Abimelek, ang hari sa mga Filisteo, nahigugma kay Sara ug gusto nga mangasawa kaniya. Ug, siyempre, usa na siya ka babaye nga matahum pag-usab. Ug tan-awa, kinahanglan Siya magbuhat ug usa ka butang; **Kinahanglan Niya nga mausab siya**. Wala lamang Niya sila ibalik sa usa ka batan-on nga lalaki ug babaye; Wala niya buhata kana; tungod kay kung gusto nila, ang mao ra nga butang ang mahitabo. Nakita ninyo, sila moabut... 'Tungod kay gipakaslan ni Abraham siya sa edad napulo ug unom, ug siya usa pa ka batan-on, ug sila nagpuyo sa ilang kinabuhi nga wala'y mga anak. Kung ibalik ra Niya kini, buyno, himoon lang nila pag-usab ang mao ra nga butang. Apan **kinahanglan Niya nga buhaton ang laing usa ka butang; Kinahanglan Niya nga usbon kini aron sila makabaton sa gisaad nga anak**, ang gisaad nga anak nga ilang madawat. **Apan kinahanglan Niya nga usbon ang ilang tibuuk nga sistema**, ug pabalikon sila nga batan-on ug mausab aron madawat ang anak.

Ug hinumdumi, pagkahuman nianang ilhanan nga gipakita sa hingpit kang Abraham ug sa iyang grupo, **nan ang sunod nga butang nga moabut**

mao kanang pagbag-o. Karon, nakita nato ang tanan pinaagi sa pagkamatarung, pagkabalaan, bautismo sa Espiritu Santo, paghimutang sa anak, ug mga ilhanan ug katingalahan Niya, nga maanaa sa Iyang Presensya aron mahibal-an ang mga hunahuna sa kasingkasing, ug uban pa, maingon sa giingon Niya: *"Maingon sa mga adlaw sa Sodoma, maingon man usab sa pag-abut sa Anak sa tawo"* (Lucas 17:30). Atong makita kana nga nagakahitabo karon. **Unsa ang sunod nga butang? Ang pag-usab sa lawas. Karon, nagpakita nga kita nangita sa gipaabut nga Anak.** Himaya. Tinuod ba kana? **Dili kita makigtagbo Kaniya pinaagi niini nga mga lawas. Kung mausab kita balik ngadto sa mga batan-ong lalaki ug babaye, dili gihapon kita makasugat Kaniya, tungod kay kinahanglan nato nga makigkita Kaniya sa kahanginan.** Kinahanglan adunay usa ka butang nga mahimo gawas sa pag-usab kanato balik sa batan-ong mga lalaki ug babaye; **kinahanglan nga kita mausab ug masakgaw ngadto sa kahanginan aron sa pagsugat Kaniya. Ug ang sunod nga butang nga moabut mao ang pagsakgaw sa iglesia, ug ang pag-usab sa lawas sa nangatulog nga mga balaan** aron mahimamat ang Ginoong Jesus sa kahanginan. <sup>[9]</sup>

Iglesia, kon ikaw mibulag sa imong kaugalingon gikan sa denominasyon ug sa tanang mga hugaw ug sa mga butang niining kalibutan, ug ang tanan nga mga butang nga nagpabilin kanimo nga hinimo sa tawo nga mga kredo, ug mga sugo, ug mga butang nga ingon niana, gibulag mo ang imong kaugalingon, **tutok paitaas. Pag-andam! Ang kalayo mahulog usa niining mga adlaw.** Tugotan Siya sa Dios nga moabut, sa usa ka panan-aw nga makita. **Andam ka ba kung moabut Siya? Andam ka ba nga mokuyog Kaniya kung Siya moabut? Ang tinago nga pagsakgaw sa labaw sa kinaiyahan nga Pangasaw-onon...** Siya pagabuhaton gikan sa may kamatayon ngadto sa pagka-walay kamatayon; mausab sa kalit, sa usa ka pagpamilok. Kita nga mga buhi ug nahibilin dili makapugong kanila nga mga nangatulog.

**Mosulod kita sa laing kapanahonan; mosulod kita sa kapanahonan sa pagsakgaw.** Nahibalo kamo, ang iglesia dili makaadto diha sa iyang kahimtang, ug dili kini mahimo nga labi ka maayo; kinahanglan kini magkalabi pa ka dautan (*II Thess. 2: 1-3*). Pila ang nahibalo niana, moingon, "Amen." Kinahanglan kini magkalabi pa ka dautan, ug dili kini mahimong moadto sama niini. Nakita ninyo, kinahanglan kini nga mahimong usa ka butang, ug kini naglihok karon, mga higala. Karon, **ang lakang nagpadayon alang sa iyang Pangasaw-onon.** Mao kana ang Kamatuoran. **Mao kana ang MAO KINI ANG GIPAMULONG SA GINOO.** <sup>[10]</sup>

**Naghulat kita sa kahupnganan sa pagkasinagop** (*Roma 8:23*). Mahitabo kini kanus-a? **Sa unang pagkabanhaw. Sa diha nga ang atong mga lawas mausab gikan sa pagkadaotan nga mga binuhat nga mao kita** ug kita adunay lawas nga sama sa Iyang kaugalingon nga mahimayaon nga lawas, tungod kay kita makakita Kaniya ingon nga mao Siya, ug mahisama kita Kaniya (*I Juan 3: 2-3*). <sup>[11]</sup>

Si Jesus miingon, "Isulti ngadto niining bukid..." (*Marcos 11:23*). Ug nabati na ninyo ang nahitabo; mao kana ang pagpang-alagad nga atong pagasudlan. Ania na kita sa dalan karon. Sa dili madugay ang pag-abot ni Ginoong Jesus. Ug **kinahanglan makabaton kita ug makasakgaw nga pagtuo diha sa usa ka iglesia nga mahimong mausab sa kalit sa usa ka pagpilok sa mata, kondili dili kita makaadto. Apan ayaw kabalaka, makaadto kini didto. Kini moabut didto. Ug kung moabut ang gahum niini nga iglesia**, dal-on niini ang mga kaigsoonan; ang gahum nianang iglesia mobangon magdala sa mga kaigsoonan; ang gahum niana nga iglesia magdala sa ubang mga kaigsoonan; **unya adunay usa ka kinatibuk-ang pagkabanhaw**. Nagapaabut kita niini. <sup>[12]</sup>

Ang iyang bantugan, mahimayaon nga Presensya moabut sa yuta. "Siya moabut diha sa mga panganod." (*Pinadayag 1: 7*). Oh, gihigugma nako kana. "Mga panganod," **adunay lihok pagkahuman sa lihok sa Iyang himaya moabut sa tibuuk nga yuta, ug ang pagkabanhaw sa mga balaan moabut**. Sa diha nga ang bulahang Balaang Espiritu nga mipuyo sa ilang mga kasingkasing, ug namatay sila nga gipahimutang ang ilang mga patayng lawas didto, ug ang mga luha mitulo sa ilang mga aping, ug mga butang nga ingon niana, gibutang nila kini sa usa ka lubnganan. Usa ka dako nga lihok sa mao ra nga Espiritu, ug usa ka "whoossh," lihok human sa lihok.

"Siya nga naulahi mauna, ug ang nauna maulahi." (*Mat. 20:16*). Sa unsang paagi mahimo kini sa ingon? **Mao kana ang pagkahan-ay sa pagkabanhaw**. Walay koy nahibaloan nga tawo sa una nga henerasyon o sa sunod nga henerasyon. Nasayud ako niadtong anaa niining henerasyon. Ug ang matag henerasyon moabut nga malampuson, "Ug ang mga naulahi, mauna." Sigurado, kini kinahanglan mahitabo. Nakita ninyo? **Akong mailhan ang akong katawhan**. Ang sunod nga kauban, ang akong amahan mailhan niya ang iyang katawhan; ang iyang apohan, iyang katawhan, sama niana.

**Lihok human sa lihok, pagkahuman sa lihok, pagkahuman sa lihok**, ug ang mga balaan nga naggikan sa bisan diin, dili kana katingalahan. Amen. <sup>[13]</sup>

Laing pangutana: *Magtapok ba ang Pangasaw-onon sa usa ka dapit sa pagsakgaw...?*

**Oo, ang Pangasaw-onon magpundok sa usa ka dapit. Tinuod kana, apan dili hangtod sa pagkabanhaw.** "Kay (kita nga mga buhi ug nagpabilin hangtod sa pag-abut sa Ginoo...)" *"Kita nga mga buhi ug nagapabilin hangtod sa pag-abut sa Ginoo dili kita makapugong (o makababag) sa mga nangatulog (sa kinatibuk-an); kay ang trompeta sa Dios motingog, ug ang mga patay diha kang Cristo mangabanhaw, ug kita pagasakgawon uban kanila sa pagsugat sa Ginoo diha sa kahanginan."* **Busa ang Pangasaw-onon, ang tanan mag-uban sa pagtingub sa diha nga kini moadto sa pagsugat sa Ginoo.** Kini magkahiusa, apan dili kini kinahanglan nga gipasabut nga silang tanan kinahanglan nga magpahimutang sa usa ka lugar nga sama niini; tungod kay ang Pangasaw-onon natulog sa abog sa yuta sa tibuuk kalibutan, gikan sa Artiko hangtod sa tropiko, ug gikan sa silangan hangtod sa kasadpan, gikan sa amihanan hangtod sa habagatan.

Si Jesus miingon, "Kung ang Anak sa tawo magpakita" (*Mat. 24: 27-31*), ngano nga, giingon, "mahisama kini sa Kahayag nga nagdan-ag gikan sa silangan ngadto sa kasadpan." Ang tibuuk butang, **adunay pagkabanhaw, usa ka pagsakgaw, ug kini moadto.**

Ang pagkabanhaw mahitabo pag-una, ang pagkabanhaw sa mga nangatulog. Adunay usa ka panahon sa paghigmata, ug kadtong nangatulog sa abug karon, dili ang mga nangatulog sa sala, tungod kay padayon nga mangatulog sila. Dili sila mahigmata sa laing sa usa ka libo ka tuig. Apan ang mga nangatulog sa abug magmata pag-una, ug **kining madunot nga mga lawas mosul-ob sa walay pagkadunot diha sa makasakgaw nga grasya sa Ginoo. Ug unya kitang tanan maghiusa. Ug sa diha nga sila magsugod sa pagtigum, unya kita nga mga buhi ug nagpabilin mausab** (*I Thess. 4: 15-17*).

**Kining may kamatayon nga mga lawas dili makikita ug kamatayon, apan sa kalit lang, adunay mahitabo kanato, ug ikaw mausab. Mobalik ka sama kang Abraham, gikan sa tigulang nga lalaki ngadto sa usa ka batan-on, gikan sa tigulang nga babaye ngadto sa usa ka batan-ong babaye. Unsa man kining kalit nga pag-usab? Ug pagkahuman niana ikaw magbiyahe sama sa usa ka hunahuna, ug imong makita kadtong mga nabanhaw na. Oh unsa ang usa ka oras! Unya kita magtigum uban kanila ug dayon pagasakgawon sila sa pagsugat sa Ginoo sa kahanginan.**

Dili kinahanglan, kung ang imong uyoan gilubong sa habagatang Kentucky, kinahanglan nga siya dad-on sa Indiana, o ilubong sa Indiana kinahanglan nga dal-on sa habagatang Kentucky. Bisan diin siya

atua... Sila nga mga patay sa dagat mobangon gikan sa dagat. Kadtong nangalaglag sa arena ug gikaon sa mga leon, kadtong gitambog sa nagdilaab nga hudno ug bisan ang mga bukog walay nahabilin o ang abog, sila mobangon. Bisana kung sila atua sa Roma, o sa arena sa Roma, o kung sila naa sa tropiko nga mga kalasangan sa habagatan, o sa mga nagyelo nga mga rehiyon sa amihanan, sila mobangon gikan sa mga patay ug mausab ug sagsagawon; **ug ang buhi mausab sa usa ka daklit, sa usa ka pagpamilok sa mata ug pagsagawon sa tingub.**

Tan-awa ang mga misyonaryo nga namatay didto sa kapatagan sa Africa. Tan-awa sila nga namatay sa tabok sa mga nagyelo nga mga rehiyon sa amihanan. Tan-awa ang mga nangamatay sa arena, sa tibuuk kalibutan, sa Congo, ug sa tibuuk kalibutan. Namatay sila bisan diin sa China, Japan, sa tibuuk kalibutan; **ug ang pag-abot sa Ginoo mahimong unibersal, kini nga pagsagaw.**

**Tan-awa ang pag-usab! "Adunay duha diha sa higdaanan; kuhaon Ko ang usa ug biyaan ang usa," sa mao gihapon nga higayon, "Adunay duha sa uma; kuhaon Ko ang usa ug biyaan ang usa," ang usa sa ngitngit nga bahin sa kalibutan ug usa sa mahayag nga bahin sa kalibutan (Lucas 17: 34-36). Kini usa ka unibersal nga pagsagaw.** Oo, ang iglesia tanan magkahiusa, apan pagkahuman, pagkahuman sa pagkabanhaw ug ang pagsagaw sa mahitabo.

[14]

Moingon ka, "Ang Balaang Espiritu usa ba ka Timri?" Ang Efeso 4:30 nag-ingon, "*Ug ayaw ninyo pagsakita ang Espiritu Santo sa Dios, ni kinsa gikatimrihan kamo alang sa adlaw sa pagtubos...*" Kana ang tinuud, matuod nga Timri sa Pasko sa Pagkabanhaw. **Nagpakita nga ang sala gibayran, alang kanimo, ug gidawat ka sa Dios, ug ikaw gitimrihan ngadto kang Kristo pinaagi sa Espiritu Santo.** Ang sala natapos na. Ang Walay Katapusang Timri nahuman na. Karon, **kita nabanhaw karon.** Nganong makabaton kita sa maong usa ka panahon sa mga butang sa Dios? Tungod kay nabanhaw kita. "*Kadtong Iyang nahibal-an nga daan, Iyang gitawag; Kadtong Iyang gitawag, iyang gimatarung; kadtong Iyang gimatarung, Iyang gihimaya.*" (Roma. 8:30). **Unya kita karon nabanhaw. Kita nabanhaw gikan sa sulod pagawas, dili gikan sa gawas pasulod.** Oh, namatikdan ba nimo, dili gitimriha pagawas, apan gitimrihan pasulod. Kita karon nabanhaw na, nabanhaw na. Giunsa nimo pagkahibalo? Ang Biblia miingon sa ingon niini. Amen. Kita karon nabanhaw na. **Kita karon gibangon uban Kaniya diha sa espirituhanong pagkabanhaw.** Unsa ang gipasabut sa pulong nga "gibuhi? "Gibuhi" nagkahulugan nga



“pagkabanhaw.” Husto kana. Kita nabanhaw na karon, **naghiusa nga milingkod sa langitnon nga mga dapit diha kang Cristo Jesus (Efe. 2: 6). Giunsa kita? Pinaagi sa usa ka Espiritu gibautismohan ngadto sa Lawas, ug natimrihan sa dayon.** Kita karon gibanhaw sa espirituhanon nga paagi. Asa gikan kita gibanhaw? **Gikan sa usa ka kinabuhi sa sala; kita kanhi makasasala ug nahigugma sa mga butang sa kalibutan.**

Karon, mao kana ang gibuhat sa Dios sa Iyang Iglesia. Pagabansayon Niya ang katawhan, ug himoon kini sa ingon ka hingpit nga paagi, nga kung ang Ulohan nga bato, si Cristo, moanhi, kini mohaum nga matukod nga magkahiusa, ug dayon usa ka pagkabanhaw sa tibuuk nga butang, ang iglesia mawala. <sup>[9]</sup>

Ayaw gayud tugoti si Satanas nga mosulti kanimo sa bisan unsa pa. Ingon usa ka bahin sa usag usa, kita bahin Dios, ug kita mga kauban-lungsuranon sa Gingharian, **nga nagkahiusa nga nakatagamtam sa mga panalangin sa pagkabanhaw.**

Ug karon ikaw nabanhaw na. **Kung ang Dios nagbanhaw Kaniya, banhawon ka Niya; ang Anak anaa na kanimo karon (Roma 6: 4-6).** Ug karon ikaw nagatubo ngadto sa mabulakon nga Kinabuhi nga sama Kaniya nga mabanhaw sa hingpit nianang katapusan nga adlaw. Ang imong mga potensyal anaa kanimo karon. Ngano nga nahibaloan nimo? **Ang imong kalag nausab, dili ba? Ang imong lawas moabut sa pagsunod ngadto niini, dili ba? Sa pagsunod sa unsa? Sa iglesia? Sa Pulong, nga mao ang Kinabuhi. Unya ikaw nabanhaw gikan sa mga patay.**

Kitang tanan mabanhaw nga magka-uban ug kita mobangon sa katapusan nga adlaw bisan kung ang atong mga espiritu mobiya sa atong lawas, bisan kung ang mga lawas nangadugta, bisan sila moadto sa abug, bisan sila masunog, bisan sila naa sa ilawom sa dagat-Ang Biblia nag-ingon usa ka anghel ang mibubo sa iyang panaksan sa dagat ug tanan nga namatay nangabuhi. **Wala’y makatago o makabulag kanato gikan sa Dios nga gihigugma nato pag-ayo, nga mibangon kanato nga magka-uban (Roma 8: 35-39).** <sup>[1]</sup>

Karon, matikdi, kung kining dako nga nagalihok nga gahum sa Dios moabut ngadto sa usa ka anak sa Dios, kini mobuhi kaniya; ang Espiritu sa Kinabuhi mosulod ngadto kaniya. Unya, unsa man ang buhaton niini? Kini mopalingkod kanila diha sa **langitnon nga mga dapit**, karon gayud, dili sa umalabot, **kita karon.** Karon nabanhaw na kita; ang dinamika ug mga mekanika magapamuhat sa pagbuhi kanato, ug **gibuhi kita ngadto sa presensya sa Dios, kung diin ang Iyang Espiritu.** Ug karon nagalingkod

kita sa langitnon nga mga dapit diha kang Cristo Jesus: nga diha kang Cristo Jesus, nga nagalingkod didto, nabanhaw gikan sa mga patay.

Usa kita ka bahin niini. **Kung ikaw usa ka bahin sa Pangasaw-onon, mao ikaw, tungod kay ang Pangasaw-onon bahin sa Pamanhonon, nahibal-an nimo** (*Mga Taga-Efeso 5: 30-32*). Busa atong makaplagan nga mao ra kini nga butang, ug buhaton Niya gayud kung unsa ang gitagna alang Kaniya nga buhaton niining adlaw. **Dili siya mahimong usa ka Laodicea, dili sa bisan unsa nga paagi, usa ka dagaang. kondili magdilaab Siya alang sa Dios, Siya magalihok diha sa Espiritu sa Dios.** <sup>[15]</sup>

Kinahanglan adunay usa ka Magbubuhay kung adunay usa ka paglalang (*Col. 1: 15-17*). Ug kung adunay usa ka paglalang, kini gihimo sa usa ka Maglalalang. Ug **ang buhat sa bisan kinsa nga tawo nagpakita sa iyang kaugalingon.** Maayo siya nga karpintero, maayo ang iyang trabaho, nga iyang gitukod. Ug kung siya usa ka maayo nga mekaniko, maayo siya nga motrabaho. **Ang imong gimbuhaton nagbanaag kanimo. Ug ang paglalang sa Dios nagbanaag sa Dios. Ug gibuhay sa Dios ang tanan alang sa usa ka katuyoan. Ug ang tanan nga nag-alagad sa katuyoan sa Dios, sa dihang kini namatay, kini adunay pagkabanhaw.** Suglin ko sa usa ka butang.

Ug kung ang usa ka tawo mag-alagad sa katuyoan sa Dios, adunay pagkabanhaw gayud nga ingon ka sigurado kay sa bisan unsa. Mao lamang nga butang nga kinahanglan nimong buhaton, mao, ang Dios naghulat lamang sa hustong panahon, sama lamang nga mao Siya karon. <sup>[8]</sup>

**Ang mga pagano nga wala pa nakadungog sa Maayong Balita mabanhaw nianang panahona** (sa dihang si Kristo ug ang Pangasaw-onon mobalik sa Milenyum), ug ang mga anak sa Dios mapadayag. Kung magahari siya, kinahanglan nga adunay pagaharian niya; naa siyay gingharian. **"Ug sila magabuot ug naghari kauban ni Cristo," ug si Cristo naghari sa usa ka olisi nga puthaw sa mga nasud** (*Pin. 2: 26-28; Pinadayag 5: 9-10; Salmo 2*). **Unya ang gipadayag nga mga anak sa Dios nga adunay awtoridad sama sa Iya kaniadto sa dinhi pa Siya,** moabut ang milenyum nianang maong paghari (*Pin. 20: 4-6; Rom. 8: 18-21*). <sup>[16]</sup>

Reference:

- [1] "Rising Of The Sun", pg. 29, 50, par. 201+345 - 347
- [2] "Letting Off The Pressure" (62-0518), par. 112
- [3] "Jehovah Jireh Part 1" (62-0705), par. 12
- [4] "Going Beyond The Camp", par. 22

- [5] "God In Simplicity", Seal's Bk. pg. 58
- [6] "Questions And Answers" (59-1223), Q-No. 105, COD pg. 507
- [7] "Israel and the Church 2, (53-0326), 76-80
- [8] "Remembering The Lord", par. 35-44
- [9] "True Easter Seal" (61-0402), par. 138-143, 124-134
- [10] "Invisible Union Of The Bride", pg. 46+55, par. 325+379
- [11] "Rev. Ch.5 Pt.I, Bruised Serpent", par. 108
- [12] "Q&A On The Holy Ghost", COD pg. 411
- [13] "Seven Church Ages" (54-0512), par. 97
- [14] "Questions And Answers" (64-0823M), Q-No. 240, COD pg. 933 - 935
- [15] "God's Provided Place Of Worship" (65-0425), par. 137 [16] "Questions And Answers" (62-0527), COD pg. 723

Gipadayag nga Pulong niini nga takna, gihugpong ni: Gerd Rodewald, Friedenstr, 69, D-75328 Schömburg, Germany. [www.biblebelievers.de](http://www.biblebelievers.de), Fax: (+49)72353306

Gihubad gikan sa English ngadto sa Cebuano ni Brother Sammy Durano, 319-A, Purok Maunlad, Buayan, General Santos City. Cp # 0919-898-5252, 0926-036-3663

*Adunay moabut nga magadala sa Mensahe nga gikan gayud sa Bibliá, ug sa dinalian nga tahas molibut sa kalibutan. Ang mga binhi mabutang sa mga pamantalaan, basahong mga butang, hangtud ang tanang gipili nang daan nga Binhi sa Dios makadungog Niini. [Si Brother Branham sa iyang "Conduct-Order-Doctrine" pahina 724]*